



Broj: JN-1-01-16-4-3-11/16

Datum: 18.10.2016. godine

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 64. stav (1) tačka (b), člana 70. Stav (1), (3) i (6), člana 88., člana 89. i člana 68. Stav (1) i (4), Zakona o javnim nabavkama („Službeni glasnik BiH“, broj 39/14), na Preporuku Komisije za javnu nabavku, broj: JN-1-01-16-4-3-9/16 od 07.10.2016. godine, u postupku javne nabavke informatičko-tehničke opreme, donosi sljedeću:

ODLUKU
o izboru najpovoljnijeg ponuđača
za nabavku informatičko-tehničke opreme

Član 1.

Prihvata se Preporuka Komisije za nabavku, broj: JN-1-01-16-4-3-9/16 od 07.10.2016. godine i Ugovor za nabavku informatičko-tehničke opreme, za potrebe Ministarstva za ljudska prava i izbjeglice BiH i dodjeljuje se ponuđaču Robert's Plus d.o.o., Marka Marulića 2/V, 71 000 Sarajevo, koji je dostavio ponudu broj: 2609-01-16-S, dana 26.09.2016. godine, za ponuđenu cijenu sa popustom 16.552,39 KM bez PDV-a, odnosno 19.366,30 KM sa PDV-om, kao najpovoljnijem ponuđaču.

Član 2.

Izabrani ponuđač je dužan dostaviti dokaze o kvalifikovanosti u skladu sa članom 45. stav (1) tačke c) i d) ZJN i to u roku od 5 (pet) dana nakon što bude obavješten od strane ugovornog organa o rezultatima postupka nabavke.

Član 3.

Sa izabranim ponuđačem zaključit će se Ugovor za nabavku informatičko-tehničke opreme na period od jedan (1) mjesec, od dana potpisivanja ugovora. Ukupna vrijednost Ugovora iznosi 16.552,39 KM, sa popustom bez PDV-a.

Član 4.

Ova odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opšte, pravne i finansijsko-materijalne poslove Ministarstva za ljudska prava i izbjeglice BiH.

Član 6.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke informatičko-tehničke opreme, broj: JN-1-01-16-4-3-1/16 od 09.09.2016. godine.

Javna nabavka je provedena putem Konkurentskog zahtjeva za javnu nabavku informatičko-tehničke opreme. Procijenjena vrijednost javne nabavke: 21.323,94 bez PDV-a, odnosno 24.949,00 KM sa PDV-om. Obavještenje o nabavci broj: 679-7-1-21-3-13/16, objavljeno dana 13.09.2016. godine, na Portalu javnih nabavki.

Komisija za nabavku imenovana je Odlukom broj: 01-16-4-551/16, od 17.02.2016. godine.

Komisija za javnu nabavku dostavila je ugovornom organu (ministrici za ljudska prava i izbjeglice BiH) Zapisnik o pregledu i ocjeni ponuda broj: JN-1-01-16-4-3-6/16 od 07.10.2016. godine, Preporuku o izboru najpovoljnijeg ponuđača broj: JN-1-01-16-4-3-9/16 od 07.10.2016. godine i Izvještaj o radu broj JN-1-01-16-4-3-10/16 od 07.10.2016. godine u postupku javne nabavke informatičko-tehničke opreme.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno četiri (4) ponude;
- da je blagovremeno zaprimljeno četiri (4) ponude;
- da nije bilo neblagovremeno primljenih ponuda,
- da je ponuda ponuđača: Robert's Plus d.o.o. Sarajevo, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način.
- da se ponude ponuđača:
 - o R&S d.o.o. Sarajevo, odbacuje se na osnovu člana 68. Zakona o javnim nabavkama (Sl. Glasnik BiH broj: 39/14).

Ponuđač u svojoj ponudi (Aneks 1 – Obrazac za cijenu ponude) nije ponudio minimalne tražene karakteristike informatičko-tehničke opreme-specificirano u grupi B, tačka 4-Projektor.

U Tenderskoj dokumentaciji –Rezolucija, tražena trajnost lampe je 5000 sati (10000 sati economy mode) a ponuđena trajnost lampe je 4000 sati (6000 sati economy mode).

- o Printex d.o.o. Sarajevo, odbacuje se na osnovu člana 68. Zakona o javnim nabavkama (Sl. Glasnik BiH broj: 39/14).

Ponuđač u svojoj ponudi (Aneks 1 – Obrazac za cijenu ponude) nije ponudio minimalne tražene karakteristike informatičko-tehničke opreme-specificirano u grupi B, tačka 4-Projektor.

U Tenderskoj dokumentaciji –Rezolucija, tražena trajnost lampe je lampe 5000 sati (10000 sati economy mode) a ponuđena trajnost lampe je 4000 sati (6000 sati economy mod, 10000 sati u extremeeco modu)

- o Imtec d.o.o. Sarajevo, odbacuje se na osnovu člana 68. Zakona o javnim nabavkama (Sl. Glasnik BiH broj: 39/14).

Ponuđač u svojoj ponudi (Aneks 1 – Obrazac za cijenu ponude) nije ponudio minimalne tražene karakteristike informatičko-tehničke opreme:

- Grupa A, tačka 4, Laserski monohromatski multifunkcionalni uređaj 2 (kopir, printer, skener, faks)

U Tenderskoj dokumentaciji –Print, tražena rezolucija je 1200 x 1200 dpi, dok je u ponudi navedena rezolucija 1200 x 600 dpi. Uvidom na zvaničnoj stranici proizvođača Canon i pod karakteristikama navedenog modela utvrđuje se da je navedena rezolucija 600 x 600 dpi.

- Grupa B, tačka 2, Laserski monohromatski multifunkcionalni uređaj 1 (kopir, printer, skener, faks)

U Tenderskoj dokumentaciji-Faks, tražena je memorija 500 stranica, a ponuđena je memorija 256 stranica.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača i pregled ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministrica za ljudska prava i izbjeglice BiH nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenoj u Obavještenju o nabavci i Tenderskoj dokumentaciji.

Naziv i sjedište ponuđača		Kriterij -najniža cijena (Ukupna cijena ponude sa popustom i bez PDV-a)
1.	Robert's Plus d.o.o. Sarajevo	16.552,39 KM

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

Žalba se podnosi najmanje u tri (3) primjerka.

Dostaviti:

- Ponuđačima
- Sektor za opšte, pravne i finansijsko-materijalne poslove
- a/a

MINISTRICA

Semija Borovac

